

ZAPISNIK

Farmaceutski fakultet Univerziteta u Sarajevu
0101-5096/20
Datum: 02.11.2020.

Zapisnik sa 1. redovne sjednice (elektronske) ODOK-a Farmaceutskog fakulteta Univerziteta u Sarajevu (nastavak sjednice započete 04.05.2020. godine) održane 11.05.2020. godine s početkom u 10:00 sati putem Zoom platforme.

Prisutni: doc. dr Elma Omeragić, doc. dr Tamer Bego (priključio se u toku sjednice), doc. dr Nermina Žiga Smajić, viši asistent Amar Osmanović, asistent Irma Gušić, Maja Skopljak, Valida Abdagić, studentica, Amar Kolašinac, student.

Odsutni: prof. dr Maja Malenica.

Prisutno je 7 članova ODOK-a i prodekan za kvalitet doc. dr Elma Omeragić.

Sjednicom predsjedava Maja Skopljak.

DNEVNI RED

1. Imenovanje članova ODOK-a (nastavak)
2. Usvajanje Poslovnika o radu ODOK-a

Irma Gušić je pripremila poslovnik o radu i predlaže da svi skupa prođu kroz poslovnik.

Maja Skopljak, predsjedavajuća, predlaže da se prije poslovnika razgovara o izboru zamjenika predsjedavajućeg ODOK-a i sekretara.

Doc. Elma Omeragić predlaže da zamjenik predsjedavajućeg bude prof. Maja Malenica, a da sekretar bude Valida Abdagić ili Amar Kolašinac. Valida Abdagić i Amar Kolašinac odbijaju prijedlog da budu sekretari ODOK-a. Irma Gušić ističe da studenti imaju mandat u ODOK-u u trajanju od jedne godine, za razliku od ostalih članova koji imaju mandat od četiri godine. Irma Gušić predlaže da se sekretar mijenja na godišnjoj osnovi na što se doc. Elma Omeragić složila i predlaže da se definiše poslovnik pa da se dalje prema poslovniku postupa.

Irma Gušić je podijelila poslovnik na ekranu. Iznosi da se treba definisati datum usvajanja poslovnika. Članovi su se složili da će ostaviti stav 2, člana 1, kojeg je komentarisao doc. Bego. Zatim se diskutovalo o Uredu za osiguranje kvaliteta i da li će se isti uspostaviti na Farmaceutskom fakultetu te o nadležnostima ovog Ureda. Zatim se nastavilo razmatranje stavova unutar člana 5 Poslovnika o radu ODOK-a. Doc. Žiga Smajić predlaže da se kod spornih članova ubace dodatne alineje koje će konstatovati da određene tačke iz određenih članova stupaju na snagu onog trenutka kada Ured za osiguranje kvaliteta počne s radom. Ostali članovi su se složili s ovim prijedlogom. Maja Skopljak predlaže da obavlja posao osobe koja će biti u Uredu za osiguranje kvaliteta do trenutka imenovanja te osobe, na šta su drugi članovi komentarisali da nije logično da ona to radi obzirom da je ujedno i predsjedavajuća ODOK-a, te se vratili na prijedlog koji je iznijela doc. Žiga Smajić.

Zatim su članovi razgovarali i usaglasili se oko stava 1 člana 3. Nakon toga su imenovali Amara Osmanovića za sekretara za rok od godinu dana.

Članovi su nastavili s definisanjem narednih članova Poslovnika. Potvrdio se prijedlog da prof. Maja Malenica bude zamjenik predsjedavajućeg ODOK-a. Nastavilo se s razmatranjem stavova člana 7. Diskutovalo se o spominjanju opcija odsjeka u Poslovniku, iako takvi za sada ne postoje na Farmaceutskom fakultetu. Doc. Bego se priključio sastanku. Članovi su se složili da se izbací opcija odsjeka kod biranja predstavnika za članove ODOK-a.

Zatim se diskutovalo dalje o stavovima iz članova 8 – 12, s prijedlozima za manje ispravke. Usvojio se termin „virtuelna učionica“ umjesto „online platformi“. Nakon toga se diskutovalo o članovima 13 – 19, uz uvrštavanje manjih korekcija.

Donio se zaključak da se u Poslovnik o radu neće uvrstiti dio „Radna tijela Odbora za osiguranje kvaliteta“ nego da će se po potrebi ova tijela formirati. Preostali članovi Poslovnika nisu sadržavali bitne korekcije. Datum usvajanja Poslovnika je 4.5.2020.

Prodekan za kvalitet, doc. Elma Omeragić zatim daje na glasanje da se usvoji predloženi i korigovani Poslovnik o radu Odbora za osiguranje kvaliteta sa izmjenama.

Prijedlog odluke je jednoglasno usvojen.

Ovim usvajanjem se završila druga tačka dnevnog reda prve konstituirajuće sjednice Odbora za osiguranje kvaliteta.

Zatim je prodekan za kvalitet iznijela da Odbor treba pripremiti prijedlog izvještaja za Vijeće o rezultatima ankete provedene za zimski semestar 2019./2020. godine. Obavijestila je članove ODOK-a da se konsultovala s predsjednikom Odbora za upravljanje kvalitetom na Univerzitetu u vezi anketa koje bi trebalo provesti za ljetni semestar, te da je prijedlog da se ankete provedu ukoliko je to moguće, ali da se pitanja prilagode načinu izvođenja nastave koji je bio online. Zamolila je da se sastanak organizuje već narednu sedmicu.

Prodekan za kvalitet je predložila Irmi Gušić da prije protokolisanja, Poslovnik bude potpisan od strane predsjedavajućeg ODOK-a.

Sjednica je završena u 11:22 sati.

ZAPISNIK PRIPREMIO

**PREDSJEDAVAJUĆA ODOK-A
FARMACEUTSKOG FAKULTETA**
